

ادبیات کمونیستی مجبوری

هفته لقی سیاسی ، ادبی و علمی غزته در .

جلد : ۱

سنه : ۱ ۱۷ ربیع الآخر ۱۳۳۵ جمعه ایرتسی ۲۸ کانون ثانی ۱۳۳۲ نومبر ۱۵

اسویچره خاطرائی

۷ اغستوس .

بوکون بر طغیان ضیا وار . اوتلاردن ، کوشکاردن هرکس مائی کوزلکر طاقه رق دیشاری
چیقیور . چاملر ، شمسیه لک آغاچلر کولک لک ایده میور .

بوکون طاغیر دها یوکک ، دها مهیب ، دها شاهانه !... ایکی ساعت قدر اولدیجه دیک بر
شاهقه یه چیققدق . بیک سکز یوز مترو مرتفعز . مشهود اولان منظره دونکینک عینی ، یالکز دون
غربدن ، بوکون شرق جهتدن باقییورز . زیر نظریمزده هپسی فرانسز اوله رق ۲۸۱۰۰۰ نفوسی
خاوی قانتون دووو کورینیور . کوك یوزندن ، طاغ باشلاردن اینان عظیم و عمیق بر سکونت بوتون
بر قطعه نك اوزرنده طورییور ! بیلیم نه قدر وقت کچدی .

کونش مغربه تمایل ایدیور . صباحدن بری تنی حرارت شمسک تهییج ایتدیکی سما شرقده
نوشاقل لاقنک ایچنده بیقرار اوله رق مشهود . غربده اوزاقدن اوزاغه کورینان لامه لاقنک اوزرنده کی
سیس آلتون رنکته تحول ایتکده . یوقازیدن ایندکجه درینلشن نظرافقلزده یینه یوکسلمکه باشلایه رق
آپ طاغیرینک شواهنه بی تاب اوله رق یتیشیور . شنیدی بولندییم نقطه ده سما بنده یتیشور ، کره
ارض بندن باشلیور !

۱۵ اغستوس .

بوکون روشه دونییه دوغری یوکسلیورز . غایت منتظم بر یولی تعقیب ایتدکجه چام اورمانلرینک
اره سنده غائب اولوب یینه چیقیورز . یوکسلدکجه هر آن هوا دها صاف ، دها شفاف ، بر آزمايع .
هوايی یالکز تنفس دکل ، ایچنده بر ایکی دامله کونش اولدینی حالده ایچیلیور .

طاغلردن سقوط ایدن نظرلر شهرلری ، کویلری ، نهرلری ، وادیلری ، اورمانلری ایاغمزک آلتنده ،
ینه کوکدن طاغ باشلرینه اینه رک اوستلرنده طوران مهیب و بی پایان سکونت ایچنده کوریور .

شو برقاج کون طرفنده هستی خا کدانیدن تجردله حضور پر نور سمایه چیقدم . و اویل که کوکب
ارضک شواهنده دولاشدییم بوکونلرده سماده کیمسه بی بولدم . هیچ کیمسه یوقدی . یالکز آی

مینیک ساقسیم

هر صبح ای نهال نازنده
سنی پر اهتمام سقی ایدرم ،
سن قورورسهك خراب اولور بیترم ،
چونكه ای زهره برا كننده
منفرد تسلیتمدارمك !

چونكه سن زیر سقف تارمده
بریجك چهره جوانی سك ،
دوشونورسهم كه سن ده فانی سك
هراولان شی کی بخوارمده
قلبی رقت ایلر استیلا !

بر طوتام طوپراغكله ای فانی ،
بر قدحدن مینیک شو ساقسی جغك ،
مینجك ، ایجه جك شو ساقسی جغك
توی کی پیراغكله ای فانی ؛
نجه پك سوکیلی معززسك ..

سن صولارسهك نیم نهیم قالاچق ؟
سن كه اولدك مخاطب روجم ،
تسلتكار قلب مجروحم ،
نهیه دیدهم باقوب ، باقوب دالاچق ؟
خی ترك اتمه یاورو ساقسی جغم !

نشان طاشی — ۱۹ ایلول ۳۳۱

نظار بنت عثمانه

سفارتنامه آمدی غالب افندی

لعبخانهك تناشاسنه ترغیب ایله قصد اکرام ایلیکنندن جنرال مومی الیهك افادهسنه موافقت اولندقدنه لاجل الاحترام کندو همنطولرینه مادمه سیله بزی و ترجمان بکیزاده بی پندیروب و کندوسی دخی دیگر همنطوه بینوب اولو قومانیایشته ده اولان باغچه لری کیزدرمکی التزام و قومادییه آدمیسنی کوندروب اول کیجه ترتیب اولنان لعبیات سازلرینه نظراً او کونی مضحکات اولدیغنی تحقیق و ایرتسی کیجه یه تعویق ایله فرداسی جنرال مومی الیهك خانه سنه واریلوب مقابله رسم ملاقاته احترامزدن صکره ساعت اون برده یه مادمه سیله اولدیغمز محله ورود و برآز اقامتدن صکره بر منوال سابق بر همنطوه ارکاب و بودیم سمتمده اولان قومادییه ایصال ایلیوب تهیه ایتدیرمش اولدیغنی بر محل مخصوص ذکر اولنان قومادییه ادرمیاده غایت صریح بر لهو عادی و قزلار دخی مخصوص کیدوب تناشا ایله قرین شادی اولدیغنی و کویا ازمنه سالقه ده وقوعه کلیش بعض غرائب حالدن و اکثری عشقه متعلق حکایاتی تقلید ایله عاشق و دختر معشوقک یکدیگره تصادف ایتدکجه و خصوصاً زقیب بدمنش و بعضاً دخترک ید غدر کشندن ازدواجه مجامعتلری اولدکجه دیده کریان سیننه سوزان ...

[سفارتنامه مسوده سی بوراده بتیور.]